

Siunnersuummut oqaaseqaatit

## Oqaaseqaatit nalinginnaasut

### 1. Aallaqqaasiut

Nappaatit tunillaassortut akiorniarlugit iliuitsit pillugit Inatsisartut peqqussutaat maanna atuuttoq (Inatsisartut peqqussutaat) 2001-imi akuersissutigineqarpoq.

Kommunit Kattuffiat (KANUKOKA) aalajangerpoq ulloq 31. juli 2018 matuniarluni, tamatuma nassataanik ilaatigut inatsimmi maanna atuuttumi kommunit peqatigiiffimmut ilaasortaaitallit sinnerlugit KANUKOKA-p ilaasortassanik toqqaallunilu isumaqatiginninniarsinnaatitaanera pillugu aalajangerakkat nutarterneqarnissaat pisariaqartinneqalersimavoq.

Tamatuma kinguneranik Naalakkersuisut Inatsisartut peqqussutaannik allannguiniarlutik suliaqarput, tassani kommunit tunillaassortunik nappaalanersuaqarneranut ataatsimiititaliarsuarmi sunniuteqartuarsinnaanerannut inatsisitigut pisariaqartinneqartumik tunngavissaqartinneqarnissaat siunertaralugu.

### 2. Siunnersuutip imarisai pingaarnerit

2.1 Tunillaassortunik nappaalanersuaqarneranut ataatsimiititaliarsuarmi ilaasortassanik toqqaaneq

Tunillaassortunik nappaalanersuaqarneranut ataatsimiititaliarsuarmi ilaasortassanik toqqaanermi periusissaq Inatsisartut peqqussutaanni kapitali 2-mi nassuiaatigineqarpoq.

Naalakkersuisut siunnersuutigaat tunillaassortunik nappaalanersuaqarneranut ataatsimiititaliarsuarmi ilaasortaq aalajangersakkat maanna atuuttut naapertorlugit KANUKOKA-mit toqqaarneqartartoq tamatuma kingorna Inatsisartunut qinersisoqareernerani kommunit peqatigiillutik toqqartalissagaat. Siunnersuusiortoqarpoq KANUKOKA-p 2018-imi aasaanerani matususaaanera kinguneranik.

Aamma Naalakkersuisut ilaasortassamik toqqaanissamut inatsisitigut tunngavissinneqarput kommunit ataatsimoorlutik toqqagassaannik toqqaanissamut isumaqatigiissinnaanngippata. Naalakkersuisut kommunit inassuteqaataasa akornanni ilaasortassaq toqqassavaat. Naalakkersuisut ilaasortamik toqqaanerat ataatsimiititaliarsuup kapitali 1-imi eqqaaneqartutut siunertaa kiisalu tunillaassortumik nappaalanersuaqaleraluarpat sunniuteqarluartumik akiuinissap qulakkeerneqarnissaa eqqarsaatigalugit pissaaq. Siunertamut tulluassaaq ataatsimiititaliarsuup ilaasortai Nuummi najugaqarpata kisiannili tamanna piumasagaataanngilaq.

2.2 Pillaatinut tunngavimmik annertusiineq

Inatsisartut peqqussutaani atuuttumi § 29-p malitsigaa Inatsisartut peqqussutaanni imaluunniit Inatsisartut peqqussutaat naapertorlugu nalunaarutitik saqqummersinneqarsimasuni aalajangersakkani ilanngunneqartunik unioqqutitsinermut inuk akilisussanngortinneqarsinnaasoq. Assinganik atuuppoq Inatsisartut peqqussutaanni aalajangersakkat ilanngunneqartut naapertorlugit saqqummiunneqartunik inuk peqqussutitik unioqqutitsisimappat imaluunniit peqqusinermik malinnissimanngippat. Taamatut unioqqutitsisimasunut inatsisitigut pisussaataaasoq assersuutigalugu suliffeqarfii, peqatigiiffiit pisortaqarfiillu akiligassiisutigineqarsinnaanngikkallarput. Tamanna siunertarineqanngilaq atortitsiniarnermullu tunngatillugu inatsisartut peqqussutaat § 11, imm.2, kisianni aamma § 12, imm. 1, pkt. 2-mut tunngatillugu ajornartorsiortitsisinnaalluni.

Taamaattumik Naalackersuisut siunnersuutigaat pillaasinnaatitaaneq inatsisartut peqqussutaa § 29-miittoq inatsisitigut pisussaataaasoq ilanngunneqarsinnaanngorlugit annertusissasoq.

<b>Inatsisissatut siunnersuutip inatsimmut atuuttumut sanilliunneqarnera</b>	
<i>Oqaasertaliineq atuuttoq</i>	<i>Inatsisissatut siunnersuut</i>
	<b>§ 1</b>
	Nappaatit tunillaassortut akiorniarlugit iliuitsit pillugit Inatsisartut peqqussutaat nr. 20, 12. november 2001-imeersumi imatut allannguisoqassaaq:
<b>§ 3, imm. 1</b> Tunillaassortunik nappaalanersuaqarneranut ataatsimiititaliarsuaq nunamut tamarmut atuuttoq pilersinneqassaaq, ilaasortarissallugillu Politimesteri, Peqqinnissaqarfimmik Nakkutilliisoqarfimmi nakorsaq, Nersutit nakorsaasa pisortaat, Akileraartarnermi Pisortaqarfiup pisortaa kiisalu ilaasortat allat pingasut, taakkunanga marluk Naalackersuisut toqqagaat, ataaserlu KANUKOKA-p toqqagaa.	<b>1. § 3, imm. 1, ima oqaasertalerneqassaaq:</b> ”Tunillaassortunik nappaalanersuaqarneranut ataatsimiititaliarsuaq nunamut tamarmut atuuttoq pilersinneqassaaq, tassanilu ilaasortaassapput Politimesteri, Nunatta Nakorsaanera, Uumasut nakorsaasa pisortaat, Akileraartarnermi Pisortaqarfiup pisortaa kiisalu ilaasortat allat pingasut, taakkunanga marluk Naalackersuisut toqqagaat ataaserlu kommunit peqatigiillutik toqqagaat.”
	<b>2. § 3-mi imm. 1-ip kingorna</b> immikkoortutut nutaatut ilanngunneqassaaq: ”Imm. 2. Kommunit ilaasortassaaq ataaseq isumaqatigiisutigisinnaanngippassuk

	<p>kommunit tamarmik immikkut annerpaamik inuk ataaseq tunillaassortunik nappaalanersuaqarneranut ataatsimiititaliarsuarmut inassutigisinnaavaat. Kommunit inassutigisaasa ilaat ataaseq ilaasortassatut Naalakkersuisut toqqassavaat.”</p> <p>Tamatuma kingorna <i>imm. 2-4</i> allangortinneqassapput <i>imm. 3-5-nngorlugit.</i></p>
<p><b>§ 3, imm. 3.</b> <i>Imm. 3</i> Ilaasortap <i>imm. 1</i> malillugu KANUKOKA-p toqqagaata ilaasortaanera piffissaq kommunimut qinersivik malippaa.</p>	<p><b>3.</b> § 3, <i>imm. 4</i>, ima oqaasertalerneqassaaq: ”<i>Imm. 4</i>. Ilaasortaq <i>imm. 1</i> malillugu kommuninit, imaluunniit <i>imm. 2</i> malillugu kommunit inassuteqareernerannit toqqarneqartoq ilaasortatut toqqarneqartut allat assigalugit qinigaaffimmi atuutissaaq, tak. <i>imm. 3.</i>”</p>
	<p><b>4.</b> Inatsisartut peqqussutaata qallunaatuani tamarmi ”Landsstyre” aamma ”Landsstyret” ”Naalakkersuisut”-nut allangortinneqassaaq. § 3, <i>imm. 2-mi, imm. 3-nngortumi,</i>”Landstinget” ”Inatsisartut”-nngorlugu, aamma ”Landstingets” ”Inatsisartuts”-nngorlugu allangortinneqassaaq.</p>
	<p><b>5.</b> Inatsisartut peqqussutaanni tamarmi ”Peqqinnissaqarfimmik Nakkutilliisoqarfiup inassuteqarneratigut” ima allangortinneqassaaq ”Nakorsaaneqarfiup inassuteqarneratigut”. § 2-<i>mi</i> ”Peqqinnissaqarfimmik Nakkutilliisoqarfiup tusarniaa ffigereerneratigut” ima allangortinneqassaaq ”Nakorsaaneqarfiup tusarniaa ffigereerneratigut. §§ 9 aamma 12, <i>imm. 2</i> ”Peqqinnissaqarfimmik Nakkutilliisoqarfik isumaqatiginiareerlugu” ima allangortinneqassaaq</p>

	”Nakorsaaneqarfik isumaqatiginiareerlugu”.
<p><b>§ 4, imm. 1</b></p> <p>Ilanngaaserisoqarnermi akileraartarnermilu oqartussat, politiit, umiarsualiveqarnermut oqartussat, Mittarfeqarfiiit, ilisimasortat uumasullu nakorsaat,</p> <p>Namminersornerullutik Oqartussanit atorfeqartitaasut, tunillaassortunik nappaalanersuaqarneranut ataatsimiititaliarsuaq Inatsisartut peqqussutaat manna malillugu pisussaaffimminik ingerlatsinerani ikiussallugu pisussaaffiliigaapput.</p>	<p><b>6. § 4, imm. 1-imi</b>, qallunaatuani ”af Grønlands hjemmestyre” ima allanngortinneqassaaq ”af Grønlands Selvstyre”.</p>
<p><b>§ 28, imm. 2</b></p> <p><i>Imm. 2.</i> Aningaasartuutit, pisortatut oqartussat imm. 1, nr. 1-5-imi taaneqartut pissutigalugit aningaasartuutigisariaqarsimasaat, pigisat nalillit qularnaveeqqusiullugit akiliisitsiniarneq pingitsaaliinikkut naammassisinniarneqarsinnaatitaavoq, tak. Kalaallit Nunaanni eqqartuussisarneq pillugu inatsit kapitali 7, § 1, imm. 3.</p>	<p><b>7. § 28, imm. 2</b>, ima oqaasertalerneqassaaq: ” <i>Imm. 2.</i> Aningaasartuutit, pisortatut oqartussat imm. 1, nr. 1-5-imi taaneqartut pissutigalugit aningaasartuutigisariaqarsimasaat, pigisat nalillit qularnaveeqqusiullugit akiliisitsiniarneq pingitsaaliinikkut naammassisinniarneqarsinnaatitaavoq, tak. § 598, imm. 3, Kalaallit Nunaannut Eqqartuussisarnermi inatsit.”</p>
	<p><b>8. § 29-mi imm. 3-tut</b> nutaatut ilanngunneqassaaq:</p> <p>” <i>Imm. 3.</i> Inatsisartut peqqussutaanni imaluunniit Inatsisartut peqqussutaa naapertorlugu maligassat saqqummiunneqartut naapertorlugit akiligassiisinnaanermik aalajangiisinnaanermik tunngaveqartumi, akiligassiisut Kalaallit Nunaanni Pinerluttulerisarnermi inatsimmi malittarisassat naapertorlugit inatsisitigut piginnaatitaasumut akiligassiisutigineqarsinnaavoq.”</p>
	<p style="text-align: center;"><b>§ 2</b></p> <p>Inatsisip saqqummiunneqareernerata aqaguani inatsisartut inatsisaat atuutilissaaq .</p> <p><i>Imm. 2.</i> Nappaatit tunillaassortut</p>

	<p>akiorniarlugit iliuitsit pillugit Inatsisartut peqqussutaat nr. 20, 12. november 2001-imeersumi § 3 malillugu tunillaassortunik nappaalanersuaqarneranut</p> <p>ataatsimiititaliarsuaq pilersinneqartoq Inatsisartunik qinersisoqarnissaata tungaanut atuutissaaq. Tunillaassortunik nappaalanersuaqarneranut</p> <p>ataatsimiititaliarsuarmut ilaasortaq Inatsisartunut qinersisoqarnissaa sioqqullugu tunuarpat Inatsisartut inatsisaanni matumani oqaasertalerneqartut, Inatsisartut peqqussutaanni § 3, imm. 1-2-mi aalajangersakkat malillugit nutaamik ilaasortamik toqqaasoqassaaq.</p>
--	---

### **3. Pisortanut aningaasatigut allaffissornikkullu kingunissai**

Siunnersuutip pisortanut aningaasaqarnikkut allaffissornikkullu kinguneqarnissaa ilimagineqanngilaq.

### **4. Inuussutissarsiutinik ingerlataqartunut aningaasatigut allaffissornikkullu kingunissai**

Siunnersuut aningaasaqarnikkut allaffissornikkullu inuussutissarsiortunut kinguneqartitsissanngilaq.

### **5. Avatangiisinut, pinngortitamut inuillu peqqissusiannut kingunissai**

Siunnersuut pinngortitamut, avatangiisinut aamma inuiaat peqqissusaanut kinguneqassanngilaq.

### **6. Innuttaasunut kingunerisassai**

Siunnersuut innuttaasunut kinguneqartitsissanngilaq.

### **7. Kingunerisassai pingaarutillit allat**

Siunnersuut annertuunik allanik kinguneqartitsissanngilaq.

### **8. Pisortanut kattuffinnullu il.il. tusarniaaneq**

Siunnersuut 15. juni 2018-imiit 10. juli 2018-imut ukununnga tusarniutigineqarpoq: Namminersorlutik Oqartussaani naalakkersuisoqarfiit tamarmik, Kommuneqarfik Sermersooq, Kommune Kujalleq, Qeqqeta Kommunia, Kommune Qeqertalik, Avannaata Kommunia, Kalaallit Nunaanni Politimesteri, Nunatsinni Nakorsaaneqarfik, Umasut Nakorsaanerit aamma Akileraartarnermut Aqutsisoqarfimmi pisortaq.

Tamatuma saniatigut siunnersuut piffissami tamatumani tusarniaavimmiitinneqarpoq.

Tusarniummut akissutit arfinillit tiguneqarpoq, ukualu oqaaseqaateqanngillat:  
Akileraartarnermut Aqutsisoqarfik, Isumaginninnermut Inatsisinillu Atuutsitsiner  
Naalakkersuisoqarfik, Ilinniartitaanermut, Kultureqarnermut Ilageeqarnermullu  
Naalakkersuisoqarfik kiisalu Aningaasaqarnermut Akileraartarnermullu Naalakkersuisoqarfik.

Tusarniummut akissutit uku inatsisissatut siunnersuummut oqaaseqaatinik imaqarput:  
Kalaallit Nunaanni Politimesteri aamma Kommune Kujalleq.

Tulliuttumi tusarniummut akissutit allannguutinullu siunnersuutit tiguneqarsimasut  
sammineqassapput.

Tusarniummut akissutit ilivitsuutillugit uingasunngortinneqarput tassungalu Naalakkersuisut  
oqaaseqaataannik ilaneqarlutik.

### **Kalaallit Nunaanni Politimesterip tusarniummut akissutaa**

*Aallaniutigalugu oqaatigissava Tunillaassortunik Nappaalanersuaqarneranut  
Ataatsimiititaliarsuarmi kommunit sinniisoqarnerat pillugu nutaamik  
aaqqissuussisoqartariaqarnera paasisinnaagakku. Tassunga atatillugu pingaarutilik  
erseqqissaatigissavara inuk toqqarneqartoq (kommunit isumaqatigiissunit imaluunniit  
Naalakkersuisunit) kommunit tamarmik sinnerlugit pituttuisunik aalajangiinissamut  
piginnaatitaamat taamaalillunilu kommunit aningaasaqarnikkut pituttorsinnaalerlugit.  
Isumaqarpunga ilaasortap piginnaatitaanera pillugu qularuteqanngilluinnartoqarnissaa  
aamma ilaasortap kommuni imaluunniit kommunit pineqartut isumasiornissaannut  
pisussaataanniginnera ataatsimiititaliarsuup sulineranut ajornartunillu  
sunniuteqarluartumik aaqqiiniarneranut pingaaruteqarluinnartoq. Tassunga aamma  
atatillugu oqaatigineqassaaq ungasissumit attaveqaqatigiinnerup ajornarsinnaanera  
eqqarsaatigineqartariaqarnera.  
Ajornartoqartillugu ungasissumit attaveqaqatigiinnerup ajornakusoornera ilaannikkullu  
ajornarluinnartarnera ilaatigut pissutigalugu isumaqarpunga ilaasortaq toqqarneqartoq  
Nuummi, Tunillaassortunik Nappaalanersuaqarneranut Ataatsimiititaliarsuarmut ilaasortat  
allat najugaqarfianni, najugaqartariaqartoq.*

### **Akissuteqaat**

Siunnersuummi siunertarineqarpoq tunillaassortunik nappaalanersuaqarneranut  
ataatsimiititaliarsuup katiterneqarneranut tunngatillugu kommunit  
sunniuteqaannarsinnaanerisa inatsisitigut tunngavissorneqarnissaa. Naalakkersuisut kommunit  
namminneq aalajangiinnersinnaanerit ataqqerusuppaat, taamaattumik kommunit  
namminneq, isumaqatigiissinnaagunik, ataatsimiititaliarsuarmut ilaasortaattassartik suli  
toqqarsinnaassavaat. Taamaattumik Naalakkersuisut kommunit ilaasortaattitaat sunik  
piginnaatinneqassanersoq kiisalu ilaasortap najugaqarfissaanut piunasaqaateqarusunngillat,

soorlu Naalakkersuisut ataatsimiititaliarsuarmut ilaasortatut toqqarneqartut allat taamatut piunaffigineqanngitsut. Inatsimmi kapitalini 3-mi 4-milu tunillaassortunik nappaalanersuaqarneranut ataatsimiititaliarsuup pisinnaatitaaffii innersuussutigineqarput.

Inatsisissatut siunnersuutip imm. 2-nit erserpoq kommunit ilaasortaq pillugu isumaqatigiissinnaanngippata kommunit tamarmik immikkut tunillaassortunik nappaalanersuaqarneranut ataatsimiititaliarsuarmut ilaasortassamik inassuteqarsinnaasut, tamatuma kingorna Naalakkersuisut kommunit inassutigisaasa ilaat ilaasortatut toqqassavaat. Ataatsimiititaliarsuup siunertaa inatsimmi kapitalimi 1-imi eqqaaneqartoq innimigalugu Naalakkersuisut ilaasortaq toqqassavaat. Taamaattumik nalilersorneqassaaq tunillaassortumik nappaalanersuaqalernera pitsaanerpaamik qanoq siunnerfeqarluni sunniuteqarluartumillu akiorneqarsinnaanersoq, ilaatigut tassaasinnaavoq ataatsimiititaliarsuup piaarnertaamik iliuseqarsinnaaneranik innimiginnineq. Tamanna inatsisissatut siunnersuummut oqaaseqaatinut nalinginnaasunut allanneqarpoq.

Naalakkersuisut naleqqussoraat ataatsimiititaliarsuaq nammineq suleriutsiminik aaqqissuippat. Tamatumani aamma pineqarpoq pinartoqassagaluarpat ilaasortat attaveqatigiissinnaanerinna qanoq qulakkeerqarsinnaaneranik pilersaaruserneq.

### **Kommune Kujalliup tusarniummut akissutaa**

*Kommune Kujalliup maluginiarppaa inatsisissatut siunnersuummi kommunit ilaasortassamik toqqaanissamut isumaqatigiissinnaappata kommunit peqatigiillutik tunillaassortunik nappaalanersuaqarneranut ataatsimiititaliarsuarmut ilaasortassamik toqqaanissamut piginnaatitaasut, kommunilli ilaasortassamik toqqaanissamut tunngatillugu isumaqatigiissinnaanngippata taamaallaat inassuteqaateqarnissamut piginnaatinneqassasut.*

*Kommuni isumaqarpoq inatsisissatut siunnersuummut oqaaseqaatini allassimasariaqartoq Naalakkersuisut kommunit inassutigisaasa arlallit ilaannik toqqaaniarnerminni kimilluunniit toqqaasinnaassanngitsut.*

*Kommune Kujalliup taamatuttaaq naleqqussoraa kommunit arlalinnik inassuteqaateqarpata Naalakkersuisut kommuninit ataatsimiititaliamut sinniisussamik qanoq toqqaasarnissaannut malittarisassiortoqassasoq. Kommunip taamaalilluni pingaartutut isigaa sumi najugaqarneq, tassunga ilanngullugu inassutigineqartoq illoqarfuit pingaarnersaanni najugaqarnerneq, taamaallaat pingaartinneqassanngitsosq, kisianni kina suliamut tulluarnepaanersoq ataatsimut nalilerneqareerpat toqqaasoqassasoq.*

*Tamatuma saniatigut kommunip siunnersuummi § 3, imm. 6-ip siunertaa paasiuminaatsippaa, tassa kommunit ilaasortassamik toqqaanissamut tunngatillugu isumaqatigiissinnaappata toqqaanissamut piginnaatitaaneq kommunini toqqaannartumik inissisimassammat. Tamatumani kommunit namminneq aalajangiisinnaatitaanerata ataqineqartariaqarpoq.*

**Akissuteqaat**

Naalakkersuisut Kalaallit Nunaanni Politimesterip tusarniummut akissutaani akissuteqaammut innersuussipput.

Naalakkersuisut kommunit isumaqatigiissinnaappata namminneerlutik tunillaassortunik nappaalanersuaqarneranut ataatsimiititaliarsuarmut ilaasortassamik toqqaasinnaanerat suli ataqqerusuppaat. Tusarniummut akissuteqaatip immikkoortuata pingajuannut oqaaseqaatit tusaatissatut tiguneqarput, taamaattumik inatsisissatut siunnersuutip imm. 4 atorunnaarpoq.



**Siunnersuummi aalajangersakkanut ataasiakkaanut nassuiaatit***§ 1-imut*

## Nr. 1-imut

KANUKOKA-p 31. juli 2018-imi matunissaata kinguneranik aalajangersakkap allanngortinneqarnissaa siunnersuutigineqarpoq, tassa tunillaassortunik nappaalanersuaqarneranut ataatsimiititaliarsuarmi ilaasortassamik kommunit toqqaasarnerat KANUKOKA-miit kommuninut peqatigiinnut isumagisassanngortillugu.

## Nr. 2-mut

Kommunit isumaqatigiissinnaajunnaassagaluarpata Naalakkersuisut kommunit inuit inassuteqaatigisaasa ilaannit ataatsimik toqqaasinnaapput. Tamatumanga qulakkeerneqassaaq kommunit inassutigisaannit ataatsimiititaliarsuarmut ilaasortaq ataaseq toqqaarneqassasoq. Naalakkersuisut ilaasortamik toqqaanerat ataatsimiititaliarsuup kapitali 1-imi eqqaaneqartutut siunertaa eqqarsaatigalugu pissaaq. Tamatuma saniatigut kommunit isumaqatigiissinnaajunnaassagaluarpata nr. 3-mut oqaaseqaatit takukkit.

## Nr. 3-mut

Inatsisartut peqqussutaanni aalajangersagaq maanna atuuttoq malillugu kommunit ilaasortassatut toqqagaat kommunit qinigaaffianni atuutissaaq. Aalajangersakkamik allanngortitsinikkut aalajangersarneqassaaq kommunit peqatigiillutik ilaasortassatut toqqagaat, tak. imm. 1, imaluunniit imm. 2 naapertorlugu kommunit inassuteqarnerisa kingunerisaanik toqqaarneqartoq siunissami Inatsisartut qinigaaffianni atuutissasoq. Tamanna ataatsimiititaliarsuarnut ilaasortassatut Naalakkersuisunit toqqaarneqartunut marlunnut tunngatillugu atuuttunut naapertuuppoq. Ataatsimiititaliarsuarmi ilaasortassatut toqqaarneqartut minnerpaamik pingasut piffissami aalajangersimasumi atuuttassappata ataatsimiititaliarsuup sulisarnera patajaannerusumik allannguajaannerusumillu ingerlalernissaa qulakkeerneqarsinnaavoq.

## Nr. 4-mut

Kalaallit Nunaanni naalakkersuisunut ukiuni namminersorneruffiusuni qallunaat taaguutigisimavaat "Landsstyret" namminersornermilli inatsisip atuutilerneranit "Naalakkersuisut" atorneqalerluni.

Kalaallit Nunaanni inatsisartunut ukiuni namminersorneruffiusuni qallunaat taaguutigisimavaat "Landstinget" namminersornermilli inatsisip atuutilerneranit "Inatsisartut" atorneqalerluni.

Aalajangersakkap imaraa Inatsisartut peqqussutaanni oqaatsinik atorneqartunik naapertuuttunngortitsilluni nutarsaneq.

Oqaatsinik allanngortitsineq taamaallaat Inatsisartut peqqussutaata qallunaatuuanut sunniuteqarpoq.

Nr. 5-imut

Inatsisartut peqqussutaata atuutilerneraniilli Peqqinnissaqarfimmik Nakkutilliisoqarfik ”Nakorsaaneqarfik”-mik taaguuteqalernikuuvoq, tak. Peqqinnissaqarfiup aqunneqarnera, aaqjissuusaanera kiisalu peqqinnissamut tunngasutigut sullissisut aamma tarnip pissusaanik ilisimasallit pillugit Inatsisartut inatsisaat nr. 27, 18. november 2010-meersoq.

Oqaatsinik allanngortitsineq Inatsisartut peqqussutaani oqaatsinik atorneqartunik naapertuuttunngortitsilluni nutarsaanermik imaqarpoq.

Nr. 6-imut

21. juni 2009-mi Kalaallit Nunaat namminersornerunermi namminersulerpoq.

Oqaatsinik allanngortitsineq Inatsisartut peqqussutaani oqaatsinik atorneqartunik naapertuuttunngortitsilluni nutarsaanermik imaqarpoq.

Nr. 7-imut

2010-mi Kalaallit Nunaannut eqqaartuussisarnermi inatsit nutaaq atulerpoq.

Taamaattumik aalajangersakkap imaraa Kalaallit Nunaanni eqqartuussisarnermi inatsimmi aalajangersakkamut innersuussinerup Inatsisartut peqqussutaanni atuuttumi § 28, imm. 2-miittumik iluarsineq.

Nr. 8-mut

Inatsisartut peqqussutaanni § 29-mi pillaatitut tunngaviusoq aamma inatsisitigut pisinnaatitaasunik soorlu suliffeqarfiit kattuffiit aamma oqartussaasut ilanngussinikkut annertusineqarpoq.

Taamaattumik inuinnaangitsut aammali inatsisitigut pisinnaatitaasut taamaalillutik matuma kingorna Inatsisartut peqqussutaanni aalajangersakkanik imaluunniit Inatsisartut peqqussutaat naapertorlugu nalunaarutininik saqqummiunneqarsimasuni aalajangersakkanik unioqqutitsinermut akiligassinneqarsinnaalissapput. Assinganik atuuppoq Inatsisartut peqqussutaanni aalajangersakkat ilanngunneqartut naapertorlugit saqqummiunneqartunik, peqqussutinik unioqqutitsisimanermi imaluunniit peqqusinermik malinnissimannginnermi.

Inatsisartut peqqussutaanni atuuttumi § 29-mi oqaasertalersuinermi teknikkikkut amigaataasoq aalajangersakkamik iluarsiivigineqarpoq.

*§ 2-mut*

Aalajangersakkami siunnersuutip piffissaq atuutilerfissaa nalunaarutigineqarpoq.

Imm. 2-mi ikaarsaariarneq pillugu aalajangersakkami qulakkeerneqarpoq ilaasortap, Nappaatit tunillaassortut akiorniarlugit iliuitsit pillugit Inatsisartut peqqussutaat nr. 20, 12. november 2001-imeersumi § 3, imm. 1 naapertorlugu KANUKOKA-p toqqarsimasaa, tulliani qinersisoqarnissaata tungaanut atuunnissaa. Tunuartoqassagaluarpat Inatsisartut inatsisaanni matumani § 3, imm. 1 malillugu kommunit peqatigiillutik ilaasortaq nutaaq toqqassavaat.